

կամեցայ սիրել զԱրշակ արքայ Յայոց, եւ նա համակ անարգեաց զիս: 3 Եւ եղի ընդ նմա ուխտ խաղաղութեան, եւ երդուաւ ինձ յիւրեանց արեւնս քրիստոնէութեանն ի գլխաւորութիւն այնմ՝ զոր Աւետարանն կոչէն. նախ այն երդմանն ստեաց: 4 Ես նմա բիւր բարիս խորհեցայ որպէս հայր որդւոյ կատարել նմա, եւ նա ինձ չար ընդ բարւոյ հատոյց: 5 Իսկ ես կոչեցի զերիցունս եկեղեցոյն Տիսփոնի քաղաքի, եւ կարծեցի թէ նոքա նենգութեամբ ինչ ետուն նմա զերդումն եւ ետուն ինձ ստել: 6 Եւ պատուհասեալ զնոսա որպէս զմահապարտս, իսկ ասաց ցիս Մարի երեց գլխաւորն նոցա, ասելն՝ թէ մեք արդարութեամբ տուաք նմա զերդումն. բայց եթէ նա ստեաց, նոյն Աւետարանն ածէ զնա առ ոտս ձեր: 7 Եւ ես նոցա ոչ լուայ. եւ ետու հրաման եւթանասուն զնոսա ի մի գուբ փողոտել, եւ զուսումնակիցս նոցա հանել ընդ սուր: 8 ԶԱւետարանն՝ յոր երդուաւ Արշակ արքայ, որ է գլխաւորութիւն ուսմանց նոցա քրիստոնէութեանն, կապեցի շղթայիւք, եւ կայ ի գանձի իմում: 9 Բայց բանքն Մարեայ երիցոյ ուշ եղեն ինձ. եւ յիշեցի զի ասեր՝ թէ մի՛ սպանաներ զմեզ, այլ ես գիտեմ՝ զի նոյն Աւետարանն ածէ զԱրշակ արքայ ի ծունկս քո: 10 Ահաւասիկ բանք արդարութեամբ կատարեցան, զոր ասերն¹: 11 Բայց Արշակ արքայ Յայոց այս երեսուն ամ է Արեաց՝ զի ետուն ընդ նմա ճակատս, եւ յաղթել եւ ոչ մի ամ ոչ կարացաք. եւ ելեալ է եկեալ ոտիւք իւրովք: 12 Բայց թէ գիտեի՝ թէ յայսմ հետէ կայցէ յուխտին իմում եւ ի հնազանդութեան բարեաւ ուխտիւ, մեծապէս մեծարանալք արծակեի զնա խաղաղութեամբ յիւր աշխարհն:

13 Իսկ քաղեայքն ետուն նմա պատասխանի եւ ասեն. Թող մեզ այսաւր, եւ վաղիւն պատասխանի արասցուք քեզ: 14 Իսկ ի վաղիւ անդր ժողովեցան եկին ամենայն քաղեայքն եւ աստեղագետքն, եւ ասեն ցարքայն. Այժմ զի եկեալ է առ քեզ թագաւորն Յայոց Արշակ, զիա՛րդ խաւսի ընդ քեզ, կամ զի՞նչ ձայն ածէ, կամ զիա՛րդ ունի զանձն: 15 Ասէ արքայն. Իբրեւ զմի ի ծառայիցն իմոց համարի զինքն, հող ոտից իմոց ջանայ լինել: 16 Ասեն նոքա. Առ² արա զոր ասեմքս քեզ. պահեա դու զնոսա աստեն, եւ առաքեա դու դեսպանս յերկիրն Յայոց, եւ տուր բերել անտի հող ի սահմանացն Յայոց իբրեւ բեռննս երկուս, եւ կահոյր մի ջուր: 17 Եւ հրաման տացես հարկանել զկես խորանի յատակ ի բերեալ հողոյն Յայոց. եւ առցես քեզէն զծեռանէ արքային Յայոց Արշակայ, եւ տարցես նախ յայն տեղ՝ որ բնակ իսկ իցէ հողն. եւ հարցցես ցնա բանս: 18 Եւ դարձեալ առցես դու զծեռանէ նորա, եւ տարցես ի հայատակսն ի հարեալ հողոյն. եւ լուիցես դու բանս ի նմանէ, եւ ապա գիտացես դու՝ եթէ կա՞յ յուխտի քո եւ պահե՞՞ զդաշինս քո թէ ոչ՝ յետ արծակելոյ քո զնա

1 *Յօրինակի միում պակասէ հատուածը՝ Ահաւասիկ բանք... զոր ասերն*

2 *Օրինակ մի՝ ասեն նոքա արքային. Արա*